

Inatsisissatut siunnersuummut nassuiaatit

Nassuiaatit nalinginnaasut

1. Aallaqqaasiut:

Greenland Oil Spill Response A/S pillugu Inatsisartut inatsisaat nr. 4, 4. juni 2012-meersup nalunaarutigineranut atatillugu paasineqarpoq, Inatsisartut inatsisaanni § 11, imm. 4-p danskisut kalaallisullu oqaasertaliorderi tamakkiisumik imminnut naapertuutinnngitsut. Aammattaaq paasineqarpoq, aalajangersakkami pineqartumi inatsimmut nassuiaammi kalaallisut danskisullu oqaasertalersorderi tamakkiisumik imminnut naapertuutinnngitsut

Kukkunerit taakkua naqqinneqarnissaat inatsisissatut siunnersuutip siunertaraa.

2. Siunnersuutip immikkoortui pingaarnert:

Inatsisissatut siunnersuutip kalaallisut oqaasertaliordera Inatsisartut inatsisaanni §11, imm. 4-mi danskisuaanut naapertuutillerlissavaa.

Inatsisissatut siunnersuut inatsisartut inatsisaata annertunerusumik allanngortinneqarneranik kinguneqassanngilaq.

Inatsisissatut siunnersuummut aalajangersakkanut ataasiakkaanut Inatsisartut inatsisaannut § 11, imm. 4-mut aallaqqaammut nassuiaatit, ingerlateqqinneqarput, kisiannili kalaallisut oqaasertaliordera danskisuaanut naapertuutillersinneqarpoq.

3. Aningaasaqarnikkut aqutsinikkullu pisortanut kingunerisassai:

Siunnersuutip qulakkiissavaa, Naalakkersuisut § 11, imm. 2 naapertorlugu nakkutilliinissaannut paasissutissat pisariaqartinneqartut Greenland Oil Spill Response A/S-imit uuliasiorsinnaatitaasutullu akuersisummik pigisalinnit tunniunneqartarnissaat.

4. Aningaasaqarnikkut aqutsinikkullu inuussutissarsiuteqartunut kingunerisassai:

Inuussutissarsiuteqartut aningaasaqarnerannut aqutsinerannullu siunnersuut kinguneqartitsinngilaq.

5. Avatangiisinut, pinngortitamut innuttaasullu peqqissusaannut kingunerisassai:

Siunnersuut avatangiisinut, pinngortitamut innuttaasullu peqqissusaannut kinguneqartitsinngilaq.

6. Innuttaasunut kingunerisassai

Siunnersuut innuttaasunut kinguneqartitsinngilaq.

7. Pingaarutilinnut allanut kingunerisassai

Siunnersuut pingaarutilinnut allanut kinguneqartitsinngilaq.

8. Tusarniaaneq:

Inatsisissatut siunnersuut Tusarniaavik aqqutigalugu piffissami 22. juni –miit 12. juli -mut 2012-mi tusarniaassutigineqarpoq.

9. Tusarniaanermut akissutit:

Inatsisissatut siunnersuummut oqaaseqaatinik tigusaqartoqanngilaq.

Inatsisissatut siunnersuummi aalajangersakkanut ataasiakkaanut nassuiaatit

§ 1-imut

§ 11, imm. 4-mut nassuiaatit imatut allassimapput:

Imm. 4-mut

Imm. 4 naapertorlugu ingerlatseqatigiiffik nakkutilliisutut oqartussaaasunut paasissutissiinissamut uppersaasiinissamullu pisussaataavoq. Aalajangersakkami pineqarput, paasissutissat oqartussatut nakkutilliisup suliassaminik isumannaatsumik ingerlatsinissamut pisariaqartitai tamarmiusut.

Piginnaatitsissummik pigisaqartup ingerlatseqatigiiffimmik kiffartuussinissamik isumaqatigiissusiornera isumaqatigiissummillu naammassinninnera pillugu apeqqutinik suliaqarnissamut, tak. § 8, kiisalu piginneqatigiiffiup akinik akissarsiassanillu naatsorsuisarneranut atatillugit paasissutissat uppersaatillu pisariaqarsinnaapput.

Naalakkersuisut ingerlatseqatigiiffik imaluunniit piginnaatitsissummik pigisaqartoq paasissutissanik tunniussinissanut peqqusinnaavaa, tassa isumannaatsumik nakkutilliinissamut paasissutissat pissarsiarineqarnissaat Naalakkersuisut pisariaqarsorippassuk.

Naalakkersuisut aalajangersinnaavaat, paasissutissanik tunniussinerup aalajangersimasumik iluseqarnissaa, assersuutigalugu CD-ROM-imut immiussaqaq atorlugu paasissutisseeriaatsilluunniit allat atorneqarnissaat.

Piginnaatitsissummik pigisaqartup paasissutissiinissamut uppersaanissamullu pisussaaffiini taamaallaat pineqarput, piginnaatitsissummik pigisaqartup atugai siunnersuummut attuumassuteqartut, piginnaatitsissummik pigisaqartup atugai allat pineqanngillat, tamakkununga ilaallutik pissutsit aatsitassanut inatsimmut ilaasut, aatsitassanut inatsit naapertorlugu malittarisassat aalajangerneqarsimasut imaluunniit aatsitassanut inatsit naapertorlugu akuersissutit nalunaarutigineqarlutik tunniunneqarsimasut.